



花間集序



唐歐陽炯撰

鏤玉雕瓊擬化玉而迴巧裁

花剪葉奪春艷以爭鮮是以

唱雲謠則金母詞清挹霞醴

則穆王心醉名高白雪聲聲

而自合鸞歌響過青雲字字
而偏諧鳳律楊柳大堤之句
樂府相傳芙蓉曲渚之篇章
豪家自製莫不爭高門下三千
玳瑁之簪競富樽前數十珊
瑚之對則有綺筵公子繡幌

佳人遮葉上之花牋文抽麗
錦舉纖纖之玉指拍按香檀
不無清絕之辭用助嬌嬈之
態自南朝之宮體扇北里之
倡風何止言之不文所謂秀
而不實有唐已降率土之濱

家家之香徑春風寧尋越艷
處處之紅樓夜月自鎖常娥
在明皇朝則有李太白應制
清平樂詞四首近代溫飛卿
復有金筌集邇來作者無媿
前人今衛尉少卿字弘基以

拾翠洲邊自得羽毛之異織
綃泉底獨殊機杼之功廣會
衆賓時延佳論因集近來詩
客曲子詞五百首分為十卷
以烟粗預起音辱請命題仍
為序引昔郢人有歌陽春者

花間集
號為絕唱乃命之為花間集
庶以陽春之甲將使西園英
哲用資羽蓋之歡南國婵娟
休唱蓮舟之引時大蜀廣政
三年夏四月日序

烏程馮年書

花間集音釋

卷第一

顯塞鴻溪鵝勅靨葉寒幸裊鳥娜弩霎殺

慘寥裏鳥景六歎速穠濃穗惠篔批颯展

箔剝簪簪擺龍氈三娃哇鬢倭撓韶帔批

卷第二

磧即洪洪躑的躑毒齎齎胄增鷓交鵲精

茵因秣昧齒含菑淡紵沾松中凭去罨照

駝咽橐龍窳匣

卷第三

撼汗轡秘任平珥二瞥撇睇弟蔓萬醒呈

樺華按雖幌晃鞞脩研訐巨頗捻若汚去

岳岩巒鷲穀伏錄綠緘間

卷第四

賺連苴巨輻毒轆炉拚潘嗔趁捍早撚輟

幄岳烘開些削視倩

卷第五

鬣列毛去吹去圻策馱徒鞞戕檐覘沫昧蹶薛

卷第六

蹶蹶鏹標颯三鈴言啞襍舸哥徐寶蘸斬

浸去隈煨忘去熄惠姪詭行杏翦註疑佞

泥義槿謹窄則枕光榔郎趕梭衰邑擊今

顛戰拈年款速躡朶蝻囚拽係暴莫詭擬

艤蟻耍沙

卷第七

泳永莎梭奩廉覷趣拆策涯宜扁同鮮鮮

冑照箨托襞僻閃陝

卷第八

舷賢茜千地謝外柳弱意標空依

喔惡張暢駢囂跗符軋鴨叫叫

卷第九

旖倚旒你竿賈逗豆稱去聲

卷第十

禧千醕壻鏢鎖暈運

花間集音釋畢

花間集叙目

溫助教廷筠六十六首 皇甫先輩松十一首

韋相莊四十七首 薛侍郎昭十九首

牛給事嶠三十三首 張舍人泌二十七首

毛司徒文錫十一首 牛學士希濟十一首

歐陽舍人炯十七首 和學士凝二十首

顧太尉曼十七首 孫少監光憲六十一首

魏太尉承斑十五首 庶太尉虔六首

閻處士選八首 尹叅卿鷄六首

毛祕書

熙震三十首

李秀才

洵三十一首

萬曆商橫執涂之
歲朱夏日歸安茅
氏雕於凌霞山房

花間集叙目

畢

花間集卷第一



唐趙崇祚集

明温博點句

茅一楨校釋

温廷筠

五十首

菩薩蠻

小山重叠金明滅。鬢雲欲度香顚雪。懶起畫
蛾眉。弄粧梳洗遲。照花前後鏡。花面交相映。新
帖繡羅襦。雙雙金鷓鴣。

其二

水精簾裏頗梨枕。暖香惹夢鴛鴦錦。江上柳如

烟。鴈飛殘月天。藕絲秋色淺。人勝參差剪。雙鬢隔香紅。玉釵頭上風。

其三

藥黃無限當山額。宿粧隱笑紗窗隔。相見牡丹時。暫來還別離。翠釵金作股。釵上蝶雙舞。心事竟誰知。月明花滿枝。

其四

翠翹金縷雙鸚鵡。水紋細起春池碧。池上海棠梨。雨晴紅滿枝。繡衫遮笑靨。烟草粘飛蝶。青

瑣對芳菲。玉闕音信稀。

其五

杏花含露團香雪。綠楊陌上多離別。燈在月朧明。覺來聞曉鶯。玉鈎褰翠幕。粧淺舊眉薄。春夢正閑情。鏡中蟬鬢輕。

其六

玉樓明月長相憶。柳絲裊娜春無力。門外草萋萋。送君聞馬嘶。畫羅金翡翠。香燭銷成淚。蒼落子規啼。綠窗殘夢迷。

其七

鳳皇相對盤金縷。牡丹一疲經微雨。明鏡照新粧。鬢輕雙臉長。畫樓相望久。欄外垂絲柳。音信不歸來。社前雙燕迴。

其八

牡丹蒼謝鶯聲歇。綠楊滿院中庭月。相憶夢難成。背窻燈半明。翠鈿金壓臉。寂寞香閨掩。人遠淚闌干。燕飛春又殘。

其九

滿宮明月梨花白。故人萬里關山隔。金鴈一雙飛。淚痕沾繡衣。小園芳草綠。家住越溪曲。楊柳色依依。燕歸君不歸。

其十

寶函鈿雀金鸂鶒。沉香闌上吳山碧。楊柳又如絲。驛橋春雨時。畫樓音信斷。芳草江南岸。鸞鏡與花枝。此情誰得知。

其十一

南園滿地堆輕絮。愁聞一霎清明雨。後却斜

陽。杏花零落香。無言勻睡臉。枕上屏山掩。時
節欲黃昏。魚膠獨倚門。

其十二

夜來皓月纔當午。重簾悄悄無人語。深處麝烟
長。卧時留薄粧。當年還自惜。往事卽堪憶。花
露月明殘。錦衾知曉寒。

其十三

雨晴夜合玲瓏日。萬枝香裏紅絲拂。閑夢憶金
堂。滿庭萱草長。繡簾垂景曠。眉黛遠山綠。春

水渡溪橋。凭欄魂欲銷。

其十四

竹風輕動庭除冷。珠簾月上玲瓏影。山枕隱穠
粧。綠檀金鳳皇。兩蛾愁黛淺。故國吳宮遠。春
恨正關情。畫樓殘點聲。

更漏子

柳絲長。春雨細。巷外漏聲迢遞。驚塞鴈。起城烏。
畫屏金鷓鴣。香霧薄。透簾幕。惆悵謝家池閣。
紅燭背。繡簾垂。夢長君不知。

其二

星斗稀。鍾鼓歇。簾外曉鶯殘月。蘭露重。柳風斜。
滿庭堆落花。虛閣上。倚欄望。還似去年惆悵。
春歎暮。思無窮。舊歡如夢中。

其三

金雀釵。紅粉面。花裏暫時相見。知我意。感君憐。
此情須問天。香作穗。蠟成淚。還似兩人心意。
山枕膩。錦衾寒。覺來更漏殘。

其四

相見稀。相憶久。眉淺澹烟如柳。垂翠幕。結同心。
待郎燠繡衾。城上月。白如雪。蟬鬢美人愁絕。
宮樹暗。鶴橋橫。玉籤初報明。

其五

背江樓。臨海月。城上角聲嗚咽。堤柳動。島烟昏。
兩行征鴈分。京口路。歸帆渡。正是芳菲欲度。
銀燭盡。玉繩低。一聲村落鷄。

其六

玉鑪香。紅蠟淚。偏照畫堂秋思。眉翠薄。鬢雲殘。

夜長衾枕寒。梧桐樹。三更雨。不道離情正苦。
一葉葉一聲聲。空階滴到明。

歸國遙

香玉翠鳳寶釵垂。景款鈿屏交勝金粟。越羅春
水淥。畫堂照簾殘燭。夢餘更漏促。謝娘無限
心曲。曉屏山斷續。

其二

雙臉小。鳳戰篔簹金。颭艷舞衣無力。風斂藕絲秋
色染。錦帳繡幃斜掩。露珠清曉。簾粉心黃藥

花靨。黛眉山兩點。

酒泉子

花映柳條。閑向綠萍池上。凭欄干、窺細浪。雨蕭
蕭。近來音信兩疎索。洞房空寂寞。掩銀屏、垂
翠箔。度春宵。

其二

日映紗窗。金鴨小屏山碧。故鄉春煙靄隔。背蘭
缸。宿粧惆悵倚高閣。千里雲影薄。草初齊、花
又落。蕩雙雙。

其三

楚女不歸。樓枕小河春水。月孤明。風又起。杏
稀。玉釵斜篆雲鬢髻。裙上金縷鳳。八行書千
里。夢。鴈南飛。

其四

羅帶惹香。猶繫別時紅豆。淚痕新。金縷舊。斷離
腸。一雙嬌。蕩語雕梁。還是去年時節。綠陰濃。
芳草歇。柳巷狂。

定西番

漢使昔年離別。攀弱柳。折寒梅。上高臺。千里
玉關春雪。鴈來人不來。羌笛一聲愁絕。月徘徊。

其二

海燕欲飛調羽。萱草綠。杏花紅。隔簾攏。雙鬢
翠霞金縷。一枝春艷濃。樓上月明三五。瑣窻中。

其三

細雨曉鶯春晚。人似玉。柳如眉。正相思。羅幕
翠簾初捲。鏡中花一枝。腸斷塞門消息。鴈來稀。
楊柳枝

花間集 卷之一
其二
宜春苑外最長條。閑裏春風伴舞腰。正是玉人腸絕處。一渠春水赤欄橋。

其二
南內牆東御路傍。須知春色柳絲黃。杏苞未肯無情思。何事行人最斷腸。

其三

蘇小門前柳萬條。毵毵金線拂平橋。黃鶯不語東風起。深閉朱門伴舞腰。

其四

金縷毵毵碧尾溝。六宮眉黛惹香愁。晚來更帶龍池雨。半拂欄干半入樓。

其五

館娃宮外鄴城西。遠映征帆近拂堤。繫得王孫歸意切。不關芳草綠萋萋。

其六

兩兩黃鸝色似金。裊枝啼露動芳音。春來幸自長如線。可惜牽纏蕩子心。

其七

花階集 卷之一
御柳如絲映九重。鳳皇窻映繡芙蓉。景陽樓畔
千條踞。一面新粧待曉風。

其八

織錦機邊鶯語頻。停梭垂淚憶征人。塞門三月
猶蕭索。縱有垂楊未覺春。

南歌子

手裏金鸚鵡。胸前繡鳳皇。偷眼暗形相。不如
從嫁與。作鴛鴦。

其二

似帶如絲柳。團酥握雪花。簾捲玉鈎斜。九衢塵
欲暮。逐香車。

其三

鬢墮低梳髻。連娟細掃眉。終日兩相思。為君
憔悴盡。百花時。

其四

臉上金霞細。眉間翠鈿深。欵枕覆鴛衾。隔簾鶯
百轉。感君心。

其五

撲藥添黃子。呵卷滿翠鬟。鴛枕映屏山。月明三五夜。對芳顏。

其六

轉眄如波眼。娉婷似柳腰。花裏暗相招。憶君腸欲斷。恨春宵。

其七

懶拂鴛鴦枕。休縫翡翠裙。羅帳罷鑪燠。近來心更切。為思君。

河瀆神

河上望叢祠。廟前春雨來時。楚山無限鳥飛遲。蘭棹空傷別離。何處杜鵑啼不歇。艷紅開盡如血。蟬鬢美人愁絕。百卷芳草佳節。

其二

孤廟對寒潮。西陵風雨蕭蕭。謝娘惆悵倚蘭橈。淚流玉筋千條。暮天愁聽思歸樂。早梅香滿山郭。回首兩情蕭索。離魂何處飄泊。

其三

銅鼓賽神來。滿庭幡蓋徘徊。水村江浦過風雷。

楚山如畫煙開。離別櫓聲空。蕭索玉容惆悵。
粧薄。青麥燻飛落落。捲簾愁對珠閣。

女冠子

含嬌含笑。宿翠殘紅窈窕。鬢如蟬。寒玉簪秋水。
輕紗捲碧煙。雪肖鸞鏡裏。琪樹鳳樓前。寄語
青娥伴。早求仙。

其二

霞帔雲髮。鈿鏡僂容似雪。畫愁眉。遮語迴輕扇。
含羞下繡幃。玉樓相望久。花洞恨來遲。早晚

乘鸞去。莫相遺。

玉胡蝶

秋風淒切傷離。行客未歸時。塞外草先衰。江南
鴈到遲。芙蓉凋嫩臉。楊柳墮新眉。搖落使人
悲。斷腸誰得知。

花間集卷第一

花間集卷第二

温廷筠

十六首

清平樂

上陽春晚。宮女愁蛾淺。新歲清平思同輦。爭奈長安路遠。鳳帳駕被徒燠。寂寞花鎖千門。竟把黃金買賦。為妾將上明君。

其二

洛陽愁絕。楊柳蒼飄雪。終日行人恣攀折。橋下水流嗚咽。上馬爭勸離觴。南浦鶯聲斷腸。愁

殺平原年少，回首揮淚千行。

遐方怨

憑繡檻，解羅幃。未得君書，斷腸瀟湘春鴈飛。不知征馬幾時歸。海棠花謝也，雨霏霏。

其二

花半拆，雨初晴。未捲珠簾，夢殘惆悵聞曉鶯。宿粧眉淺粉山橫。約鬢鸞鏡裏，繡羅輕。

訴衷情

鶯語花舞，春晝午，雨霏微。金帶枕，宮錦鳳皇帷。

柳弱燕交飛。依依。遼陽音信稀。夢中歸。

思帝鄉

花花。漏枝紅似霞。羅袖畫簾腸斷，卓香車。迴面共人閑語，戰篋金鳳斜。唯有阮郎春盡，不歸家。

夢江南

千萬恨，極在天涯。山月不知心裏事，水風空落眼前花。搖曳碧雲斜。

其二

梳洗罷，獨倚望江樓。過盡千帆皆不是，斜暉脈

脉水悠悠。腸斷白蘋洲。

河傳

江畔。相喚。曉粧鮮。仙景箇女採蓮。請君莫向那
岸邊。少年好花新滿船。紅袖搖曳逐風暖。垂
玉腕。腸向柳絲斷。浦南歸。浦北歸。莫知晚來人
已稀。

其二

湖上。閑望。雨蕭蕭。煙浦花橋路遙。謝娘翠蛾愁
不銷。終朝夢魂迷晚潮。蕩子天涯歸棹遠。春

已晚。鶯語空腸斷。若耶溪。溪水西。柳堤不聞郎
馬嘶。

其三

同伴。相喚。杏苞稀。夢裏每愁依違。仙客一去燕
已飛。不歸。淚痕空滿衣。天際雲鳥引情遠。春
已晚。烟靄渡南苑。雪梅香。柳帶長。小娘轉令人
意傷。

蕃女怨

萬枝香雪開已遍。細雨雙燕。鈿蟬箏。金雀扇。盡

梁相見。鴈門消息不歸來。又飛迴。

其二

噴南沙上驚鴈起。飛雪千里。玉連環、金鏃箭年
年征戰。畫樓離恨錦屏空。杏花紅。

荷葉盃

一點露珠疑冷。波影滿池塘。綠莖紅艷兩相亂。
腸斷水風涼。

其二

鏡水夜來秋月如雪。採蓮時。小娘紅粉對寒浪。

惆悵正思惟。

其三

楚女欲歸南浦。朝雨濕愁紅。小船搖漾入花裏。
波起隔西風。

皇甫松 十一首

天仙子

晴野鷺鷥飛一隻。水蒨花發秋江碧。劉郎此日
別天僊。登綺席。淚珠滴。十二晚峯高歷歷。

其二

躑躅花開紅照水。鷓鴣飛遶青山背。行人經歲始歸來。千萬里。錯相倚。懊惱天仙應有以。

浪濤沙

灘頭細草接疎林。浪惡罾船半欲沉。宿鷺眠鷗非舊浦。去年沙觜是江心。

其二

蠻歌豆蔻此人愁。蒲雨杉風野艇秋。浪起鷓鴣眠不得。寒沙細細入江流。

楊柳枝

春入行宮映翠微。玄宗侍女舞烟絲。如今柳向空城綠。玉笛何人更把吹。

其二

爛熳春歸水國時。吳王宮殿柳絲垂。黃鶯長叫空閨畔。西子無因更得知。

摘得新

酌一卮。須教玉笛吹。錦筵紅蠟燭。莫來遲。繁紅一瘦。經風雨。是空枝。

其二

摘得新。枝枝葉葉春。管絃兼美酒，最關人。平生
都得幾十度，展香茵。

夢江南

蘭燼落，屏上暗紅蕉。閑夢江南梅熟日，夜船吹
笛雨蕭蕭。人語驛邊橋。

其二

樓上寢殘月，下簾旌。夢見秣陵惆悵事，柰蒼柳
絮湍江城。雙髻坐吹笙。

採蓮子

菖菖香連十頃陂。舉棹小姑貪戲採蓮遲。年少

晚來弄水船頭濕。舉棹更脫紅裙裹鴨兒。年少

船動湖光灩灩秋。舉棹貪看年少信船流。年少

魚端隔水拋蓮子。舉棹遙被人知半日羞。年少

韋莊
首 二十二

浣溪沙

清曉粧成寒食天。柳毬斜裏間花鈿。捲簾直出
畫堂前。指點牡丹初綻朵，日高猶自凭朱欄。
含嚔不語恨春殘。

其二

欲上鞦韆四體慵。擬交人送又心忪。盡堂簾幕
月明風。此夜有情誰不極。隔牆梨雪又玲瓏。
玉容憔悴惹微紅。

其三

惆悵夢餘三月斜。孤燈照壁背窗紗。小樓高閣
謝娘家。暗想玉容何所似。一枝春雪凍梅花。
滿身香霧簇朝霞。

其四

綠樹藏鶯鶯正啼。柳絲斜拂白銅堤。弄珠江上
草萋萋。日暮飲歸何處客。繡鞍驄馬一聲嘶。
滿身蘭麝醉如泥。

其五

夜夜相思更漏殘。傷心明月凭欄干。想君思我
錦衾寒。咫尺畫堂深似海。憶來唯把舊書看。
幾時攜手入長安。

菩薩蠻

紅樓別夜堪惆悵。香燈半捲流蕪帳。殘月出門

時。美人。和淚辭。琵琶金翠羽。絃上黃鶯語。勸我早歸家。綠窻人似花。

其二

人人盡說江南好。遊人只合江南老。春水碧於天。畫船聽雨眠。鑪邊人似月。皓腕凝雙雪。未老莫還鄉。還鄉須斷腸。

其三

如今却憶江南樂。當時年少春衫薄。騎馬弄斜橋。滿樓紅袖招。翠屏金屈曲。醉入花叢宿。此

度見花枝。白頭誓不歸。

其四

勸君今夜須沉醉。樽前莫話明朝事。珍重主人心。酒深情亦深。須愁春漏短。莫訴金盃滿。遇酒且呵呵。人生能幾何。

其五

洛陽城裏春光好。洛陽才子他鄉老。柳暗魏王堤。此時心轉迷。桃花春水綠。水上鴛鴦浴。凝恨對殘暉。憶君君不知。

歸國遙

春欲暮。滿地落花紅帶雨。惆悵玉籠鸚鵡。單栖
無伴侶。南望去程何許。問花花不語。早晚得
同歸去。恨無雙翠羽。

其二

金翡翠。為我南飛傳我意。卷盡橋邊春水。幾年
花下醉。別後只知相愧。淚珠難遠寄。羅幕繡
幃。鴛鴦被。舊歡如夢裏。

其三

春欲晚。戲蝶遊蜂花爛熳。日落謝家池館。柳絲
金縷斷。睡覺綠鬟風亂。畫屏雲雨散。閑倚博
山長歎。淚流沾皓腕。

應天長

綠槐陰裏黃鶯語。深院無人春晝午。畫簾垂。金
鳳舞。寂寞繡屏香一炷。碧天雲無定處。空有
夢魂來去。夜夜綠窗風雨。斷腸君信否。

其二

別來半歲音書絕。一寸離腸千萬結。難相見。易

花間集 卷之六
相別。又是玉樓花似雪。暗相思。無處說。惆悵
疲來煙月。想得此時情切。淚沾紅袖點。

荷葉盃

絕代佳人難得。傾國花下見。無期。一雙愁黛遠
山眉。不忍更思惟。閑掩翠屏金鳳。殘夢羅幕
畫堂空。碧天無路信難通。惆悵舊房櫳。

其二

記得那年巷下。深夜初識謝娘時。水堂西面畫
簾垂。攜手暗相期。惆悵曉鶯殘月。相別從此

隔音塵。如今俱是異鄉人。相見更無因。

清平樂

春愁南陌。故國音書隔。細雨霏。梨花白。燕拂
畫簾金額。盡日相望。王孫塵滿衣上淚痕。誰
向橋邊吹笛。駐馬西望銷魂。

其二

野花芳草。寂寞關山道。柳吐金絲鶯語早。惆悵
香閨暗老。羅帶悔結同心。獨凭朱欄。思深夢
覺。半床斜月。小窻風觸鳴琴。

其三

何處遊女。蜀國多雲雨。雲解有情。花解語。翠地
繡羅金縷。粧成不整。金鈿含羞待月。鞦韆住。
在綠槐陰裏。門臨春水橋邊。

其四

鶯啼殘月。繡閣香燈滅。門外馬嘶。郎欲別。正是
落花時節。粧成不畫蛾眉。含愁獨倚金扉去。
路香塵莫掃。掃即去。歸遲。

望遠行

欲別無言倚畫屏。含恨暗傷情。謝家庭樹錦鷄
鳴。殘月落邊城。人欲別。馬頻嘶。綠槐千里長
堤。出門芳草路萋萋。雲雨別來易東西。不忍別
君後。却入舊香閨。

花間集卷第二

花間集卷第三

韋莊莊二十五

謁金門

春漏促。金燼暗挑殘燭。一夜簾前風撼竹。夢魂
相斷續。有箇嬌饒如玉。夜夜繡屏孤宿。閑抱
琵琶尋舊曲。遠山眉黛綠。

其二

空相憶。魚計得傳消息。天上常娥人不識。寄書
何處覓。新睡覺來無力。不忍把伊書跡。滿院

花開集 卷之三
落花春寂寂。斷腸芳草碧。

江城子

恩重嬌多情易傷。漏更長。解鴛鴦。朱唇未動先覺口脂香。緩揭繡衾抽皓腕。移鳳枕。枕潘郎。

其二

髻鬟狼籍黛眉長。出蘭房。別檀郎。角聲嗚咽。星斗漸微茫。露冷月殘人未起。留不住。淚千行。

河傳

何處煙雨。隋堤春暮。柳色葱蘢。畫撓金縷。翠旗

高颭香風。水光融。青娥殿脚春粧媚。輕雲裏。綽約司花妓。江都宮闕。清淮月映。迷樓。古今愁

其二

春晚風暖。錦城花滿。狂殺遊人。玉鞭金勒尋勝。馳驟輕塵。惜良晨。翠娥爭勸臨卣酒。纖纖手。拂面垂絲柳。歸時煙裏鐘鼓。正是黃昏。暗銷魂。

其三

錦浦春女。繡衣金縷。霧薄雲輕。花深柳暗時節。正是清明。雨初晴。玉鞭魂斷煙霞路。鶯鶯語。

花間集 卷之三
一望巫山雨。香塵隱映。遙見翠檻紅樓。黛眉愁。

天仙子

悵望前回夢裏期。看花不語苦尋思。露桃宮裏小腰肢。眉眼細。鬢雲垂。唯有多情宋玉知。

其二

深夜歸來長酩酊。扶入流蘇猶未醒。醺醺酒氣麝蘭和。驚睡覺。笑呵呵。長道人生能幾何。

其三

蟾彩霜華夜不分。天外鴻聲枕上聞。繡衾香冷

嬾重薰。人寂寂。葉紛紛。纔睡依前夢見君。

其四

夢覺雲屏依舊空。杜鵑聲咽隔簾櫳。玉郎薄倖去無蹤。一日日。恨重重。淚界蓮腮兩線紅。

其五

金似衣裳玉似身。眼如秋水鬢如雲。霞裙月帔一羣羣。來洞口。望煙分。劉阮不歸春日曛。

喜遷鶯

人洶洶。鼓鼙鼙。襟袖五更風。大羅天上月朦朧。

騎馬上虛空。香滿衣。雲滿路。鸞鳳遶身飛舞。
霓旌絳節一羣羣。引見玉華君。

其二

街鼓動。禁城開。天上探人迴。鳳銜金榜出雲來。
平地一聲雷。鶯已遷。龍已化。一夜滿城車馬。
家家樓上簇神仙。爭看鶴冲天。

思帝鄉

雲鬢墜。鳳釵垂。鬢墜釵垂無力。枕函歌。翡翠屏。
深月落。漏依依。說盡人間天上。兩心知。

其二

春日遊。杏花吹滿頭。陌上誰家年少。足風流。妾
擬將身嫁與。一生休。縱被無情棄。不能羞。

訴中情

燭燼香殘。簾半捲。夢初驚。花欲謝。深夜月朧明。
何處按歌聲。輕輕。舞衣塵暗生。負春情。

其二

碧沼紅芳。煙雨靜。倚蘭橈。垂玉珮。交帶裏纖腰。
鴛鴦。隔星橋。迢迢。越羅香暗銷。墜花翹。

上行盃

芳草灞陵春岸。柳煙深。滿樓絃管。一曲離聲腸寸斷。今日送君千萬。紅鏤玉盤金鏤盃。須勸珍重意。莫辭滿。

其二

白馬玉鞭金轡。少年郎。離別容易。迢遞去程千萬里。惆悵異鄉雲水。滿酌一盃勸和淚。須愧珍重意。莫辭醉。

女冠子

四月十七。正是去年今日。別君時。忍淚佯低面。含羞半斂眉。不知魂已斷。空有夢相隨。除却天邊月。沒人知。

其二

昨夜夜半。枕上分明夢見。語多時。依舊桃花面。頻低柳葉眉。半羞還半喜。欲去又依依。覺來知是夢。不勝悲。

更漏子

鍾鼓寒。樓閣暝。月照古桐金井。深院閉。小庭空。

落花香露紅。煙柳重春霧薄。燈背水窗高閣。
閑倚戶、暗沾衣。待郎郎不歸。

酒泉子

月落星沉。樓上美人春睡。綠雲傾金枕。膩畫屏
深。子規啼破相思夢。曙色東方纔動。柳烟輕
花露重。思難任。

木蘭花

獨上小樓春欲暮。愁望玉關芳草路。消息斷不
逢人。却歛細眉歸繡戶。坐看落蒼空歎息。羅

袂濕斑紅。淚滴千山萬水不曾行。魂夢欲教何
處覓。

小重山

一閉昭陽春又春。夜寒宮漏永。夢君恩。臥思陳
事暗消魂。羅衣濕紅袂。有啼痕。歌吹隔重闌。
遶庭芳草綠。倚長門。萬般惆悵向誰論。凝情立
宮殿欲黃昏。

薛昭蘊首十九

浣溪沙

紅蓼渡頭秋正雨。印沙鷗跡自成行。整鬟飄袖野風香。不語含顰深浦裏。幾迴愁煞棹船郎。燕歸帆盡水茫茫。

其二

鈿匣菱花錦帶垂。靜臨蘭檻卸頭時。約鬟低珥筭歸期。茂苑草青湘渚闊。夢餘空有漏依依。二年終日損芳菲。

其三

粉上依稀有淚痕。却庭花落歛黃昏。遠情深恨

與誰論。記得去年寒食日。延秋門外卓金輪。

日斜人散暗銷魂。

其四

握手河橋柳似金。蜂鬚輕惹百花心。蕙風蘭思寄清琴。意滿便同春水滿。情深還似酒盃深。楚煙湘月兩沉沉。

其五

簾下三間出寺墻。滿街垂柳綠陰長。嫩紅輕翠間濃粧。瞥地見時猶可可。却來閑處暗思量。

古今情事隔仙鄉。

其六

江館清秋纜客船。故人相送夜開筵。麝煙蘭燄
簇花鈿。正是斷魂迷楚雨。不堪離恨咽湘絃。
月高霜白水連天。

其七

傾國傾城恨有餘。幾多紅淚泣姑蘓。倚風凝睇
雪肌膚。吳主山河空落日。越王宮殿半平蕪。
藕花菱蔓滿重湖。

其八

越女淘金春水上。步搖雲鬢珮鳴璫。渚風江草
又清香。不為遠山凝翠黛。只因含恨向斜陽。
碧桃蒼謝憶劉郎。

喜遷鶯

殘蟾落曉鍾鳴。羽化覺身輕。乍無春睡有餘醒。
杏苑雪初晴。紫陌長襟袖冷。不是人間風景。
迴看塵土似前生。休羨谷中鶯。

其二

金門曉。玉京春。駿馬驟輕塵。樺煙深處白衫新。
認得化龍身。九陌喧千戶。啓滿袖桂香風細。
杏園歡宴曲江濱。自此占芳辰。

其三

清明節雨晴天。得意正當年。馬驕泥軟錦連軋。
香袖半籠鞭。花色融人。覓賞盡是繡鞍朱鞅。
日斜無計更留連。歸路草和煙。

小重山

春到長門春草青。玉階華露滴。月朧明。東風吹

斷紫簫聲。宮漏促。簾外曉啼鶯。愁極夢難成。

紅粧流宿淚。不勝情。手按裙帶遶階行。思君切。

羅幌暗塵生。愁極作愁起。遶階作遶宮。非是合從舊本。

其二

秋到長門秋草黃。畫梁雙燕去。出宮牆。玉簫無
復理霓裳。金蟬隱。鸞鏡掩休粧。憶昔在昭陽。
舞衣紅綬帶。繡鴛鴦。至今猶惹御鑪香。魂夢斷。
愁聽漏更長。

離別難

寶馬曉鞚雕鞍。羅幃乍別情難。那堪春景媚。送
君千萬里。半粧珠翠。落露華寒。紅蠟燭。青絲曲。
偏能鈎引淚。闌干。良夜促。香塵綠。魂欲迷。檀
眉半斂。愁低。未別心先咽。欲語情難說出。芳草
路東西。搖袖立。春風急。櫻花楊柳。雨淒淒。

相見歡

羅襦繡袂香紅。畫堂中。細草平沙蕃馬。小屏風。
卷羅幕。凭粧閣。思無窮。暮雨輕煙。魂斷隔簾
櫳。

醉公子

慢綰青絲髮。光研吳綾襪。床上小燠籠。韶州新
退紅。巨耐無端處。捻得從頭污。惱得眼慵開。
問人閑事來。

女冠子

求仙去也。翠鈿金篦。盡捨入。幽巖。霧挾黃羅帳。
雲彫白玉冠。野煙溪洞冷。林月石橋寒。靜夜
松風下。禮天壇。

其二

雲羅霧縠。新授明威法錄。降真函。髻縮青絲髮。
冠抽碧玉簪。往來雲過五。去住島經三。正遇
劉郎使。啓瑤絨。

謁金門

春滿院。疊損羅衣金線。睡覺水精簾未捲。簷前
雙語燕。斜掩金鋪一扇。滿地落花千片。早是
相思腸欲斷。忍交頻夢見。

牛嶠五首

柳枝

解凍風來未上青。解垂羅袖拜卿卿。無端裏娜
臨官路。舞送行人過一生。

其二

吳王宮裏色偏深。一簇纖條萬縷金。不憤錢塘
蘓小小。引郎松下結同心。

其三

橋北橋南千萬條。恨伊張緒不相饒。金羈白馬
臨風望。認得揚家靜婉腰。

其四

狂雪隨風撲馬飛。惹煙無力被春欺。莫交移入
靈和殿。宮女三千又妬伊。

其五

裏翠籠煙拂暖波。舞裙新染麴塵羅。章華臺畔
隋堤上。傍得春風爾許多。

卷間集卷第三

